



Broj/Broj: 1/4-50- 1-4-44/06  
Sarajevo/Sarajevo, 31.1.2006. godine

## **ZAPISNIK**

### **44. sjednice Komisije za finansije i budžet**

#### **Predstavničkog doma Parlamentarne skupštine BiH,**

održane 31.1.2006. godine, u vremenu od 11,00 do 17,00 sati

Sjednici su prisustvovali članovi Komisije: Ljiljana Milićević, Ruža Sopta, Beriz Belkić, Fatima Leho, Marija Perkanović, Hazim Felić, Zlatko Lagumdžija i Mirsad Sipović.

Sjednici iz opravdanih razloga nije prisustvovala Dušanka Majkić.

Sjednici su, u svojstvu predlagača zakona i amandmana, prisustvovali poslanici: Muhamed Moranjkić, Miloš Jovanović, Vinko Zorić, Nadžida Mlaćo i Tihomir Gligorić.

Na sjednici su bili i gosti: Ljerka Marić, Ranko Šakota i Vinko Dugandžić iz Ministarstva finansija i trezora BiH, Zlatko Hurtić iz Kabineta predsjedavajućeg Vijeća ministara BiH, Jelena Despot i Miroslav Tomić iz OHR-a, Edin Isanović iz Istraživačkog centra PSBiH, Dragica Hinić, sekretar Komisije, i Albina Ibrahimagić, pripravnik-volonter u PSBiH.

Sjednicom je predsjedavala Ljiljana Milićević.

Za sjednicu je predložen sljedeći

### **DNEVNI RED**

1. Usvajanje zapisnika 42. i 43. sjednice Komisije;
2. Razmatranje Prijedloga budžeta institucija BiH i međunarodnih obaveza BiH za 2006. godinu, u skladu s članom 95.3. Poslovnika (predlagač: Predsjedništvo BiH);
3. Razmatranje Prijedloga zakona o izvršenju Budžeta institucija BiH i međunarodnih obaveza za 2006. godinu, u skladu s članom 95.3. Poslovnika (predlagač: Predsjedništvo BiH);
4. Razmatranje Prijedloga zakona o dopunama Zakona o javnim nabavkama, u skladu s članom 95.3. Poslovnika (predlagač: poslanik Muhamed Moranjkić);
5. Razmatranje Prijedloga zakona o izmjenama i dopunama Zakona o porezu na dodatu vrijednost ( predlagač: poslanik Zlatko Lagumdžija);
6. Razmatranje Prijedloga zakona o izmjenama i dopunama Zakona o porezu na dodatu vrijednost ( predlagač: poslanik Jozo Križanović);
7. Takuća pitanja:
  - a) Izvještaj o posjeti sjedištu UIO u Banjoj Luci

Članovi Komisije jednoglasno su usvojili predloženi dnevni red.

## **Ad. 1. Usvajanje zapisnika 34. i 35. sjednice Komisije**

Zapisnike 42. i 43. sjednice članovi Komisije jednoglasno su usvojili.

## **Ad. 2. Razmatranje Prijedloga budžeta institucija BiH i međunarodnih obaveza BiH za 2006. godinu, u skladu sa članom 95.3. Poslovnika (predlagač:Predsjedništvo BiH)**

**Ljiljana Milićević** kratko je informirala prisutne o dosadašnjem procesu razmatranja Prijedloga budžeta institucija BiH i međunarodnih obaveza BiH za 2006. Posebno je napomenula zaključak 72. sjednice Predstavničkog doma kojim je Komisiji naloženo sačinjavanje novog izvještaja o Prijedlogu budžeta. Potom je otvorila raspravu o principima.

### **I. Rasprava o principima**

**Ljerka Marić** istaknula je da je Prijedlog zakona urađen po metodologiji utvrđenoj Zakonom o finansiranju institucija BiH . Potom je kratko obrazložila Prijedlog budžeta po strukturi, obrazloživši njegovu prihodovnu i rashodovnu stranu. Osvrnula se na anekse Budžeta koji obrađuju pitanje određenih sredstava, kao što su sredstva po osnovu GSM licenci, a koji su urađeni na ovaj način po preporuci MMF-a, te na pitanja vezana za Koridor Vc, sredstva za potrebe Ministarstva odbrane BiH, te pitanje Zakona o plaćama zaposlenih kod budžetskih korisnika koji još nije urađen. Potom je navela obavezu prisustva i na sjednici Doma naroda koja je u toku istog dana.

**Ljiljana Milićević** istaknula je obavezu prisustva ministrice Marić na sjednici Komisije prilikom rasprave o Prijedlogu budžeta kao jednom od najznačajnijih akata, posebno navodeći odluku Predsjedništva BiH kojom je ona isključivo određena za njegovo zastupanje u parlamentarnoj proceduri. Zato nije saglasna da se o ovom aktu raspravlja bez njenog prisustva, te je predložila da se, po potrebi, nastavi rasprava o principima Prijedloga budžeta, a potom odredi pauza dok se ne omogući dalje prisustvo ministrice Marić na sjednici Komisije. Ovaj prijedlog jednoglasno je prihvaćen.

**Zlatko Lagumdžija** smatra da dato obrazloženje nije dalo novu argumentaciju na osnovu koje bi on prihvatio predloženi budžet bez njegove korekcije, posebno navodeći Predsjedništvo BiH kao negativan primjer trošenja sredstava. Dodao je da se sredstva vezana za Koridor Vc moraju ugraditi u Budžet, te da povećanje broja zaposlenih na državnom nivou, zbog prijenosa nadležnosti, mora neizostavno pratiti smanjenje broja zaposlenih na nižim nivoima.

**Beriz Belkić** istaknuo je da će podržati principe Prijedloga budžeta, te je ponovio svoje primjedbe koje je naveo i prilikom prethodne komisijske rasprave, a koje se odnose na neblagovremenost izrade Budžeta i nepostojanje uporednih pokazatelja.

**Hazim Felić i Fatima Leho** naveli su da je Komisija prethodno već raspravljala o Prijedlogu budžeta, te da će podržati njegove principe.

**Ruža Sopta** smatra da bi se potrebna kontrola povećanja plaća o kojem je bilo riječi mogla provesti kada bi se imali podaci o prosječnom broju zaposlenih na bazi sata rada.

**Mirsad Sipović** podržao je principe Prijedloga budžeta koji treba posmatrati ne samo kao ekonomski, već i kao pravno-politički dokument, posebno s aspekta položaja BiH u procesu priključenja EU i drugim integracionim procesima. Naglasio je da bi Prijedlog budžeta trebalo da ima mnogo obimnije obrazloženje od dostavljenog, s potrebnim elaboratom za svaku pojedinačnu stavku.

Nakon rasprave, članovi Komisije usvojili su principe Prijedloga budžeta s pet glasova za i tri glasa protiv, nakon čega je određena pauza u trajanju od 30 minuta (do 12,40 sati).

Komisija je nastavila sjednicu u 12,40 sati. Treba istaći da su nastavku sjednice prisustvovali svi članovi Komisije, s tim da su neki članovi povremeno napuštali sjednicu iz određenih opravdanih razloga.

## II. Rasprava o amandmanima

**Ljiljana Milićević** informirala je da će saglasno zaključku Doma biti razmatrani amandmani dostavljeni u prethodnoj komisijskoj fazi, kao i novi amandmani dostavljeni do ove sjednice Komisije. Konstatirala je da su na Prijedlog budžeta amandmane dostavili: Dušanka Majkić, Vinko Zorić, Miloš Jovanović, Klub SDS-a, Mirsad Ćeman, Zlatko Lagumdžija, Tihomir Gligorić, Klub poslanika SDA, Jozo Križanović, Milorad Živković.

Hazim Felić istaknuo je da je Klub SDA dostavio 31.1.2006. nove amandmane, te je zato povukao set prethodno uloženi amandmana od 4.1.2006.

U toku rasprave o amandmanima, Ruža Sopta, Zlatko Lagumdžija i Hazim Felić uložili su nove amandmane, dok su neki amandmani modificirani.

Potom je otvorena rasprava o amandmanima, o kojim su se članovi Komisije izjasnili na sljedeći način:

Amandman 1. Dušanke Majkić, s kojim predstavnici VM nisu bili saglasni, odbijen je sa dva glasa za i četiri glasa protiv.

Amandman 1. Ruže Sopte, koji je formuliran i dostavljen na sjednici Komisije i s kojim su bili saglasni predstavnici VM, usvojen je sa sedam glasova za, u sljedećem tekstu:

Stav (2) člana 4. mijenja se i glasi:

„Namjensku strukturu Kapitalnih izdataka i Programa posebnih namjena budžetski korisnici obavezni su putem Ministarstva finansija i trezora BiH dostaviti na uvid Parlamentarnoj skupštini BiH do 30.6.2006.“

Amandman 2. Dušanke Majkić, uz saglasnost predstavnika VM, usvojen je sa šest glasova za i jednim suzdržanim glasom, kako slijedi:

Stav (2) člana 5. mijenja se i glasi:

“Odobrenje za uključivanje navedenih ulaganja u Budžet institucija BiH i međunarodnih obaveza BiH za 2006. godinu daje Vijeće ministara BiH na prijedlog Ministarstva finansija i trezora BiH, a u skladu s članom 17. Zakona o finansiranju institucija BiH (“Sl.glasnik BiH, br. 61/04).”

Amandmani od 1. do 5. Miloša Jovanovića, s kojim predstavnici VM nisu bili saglasni, odbijeni su sa dva glasa za, četiri glasa protiv i jednim suzdržanim glasom.

Amandman 1. Vinka Zorića, koji je modificiran tokom rasprave, usvojen je sa sedam glasova za, i glasi:

U članu 3., u tabeli broj 29. Ministarstvo civilnih poslova BiH, pod III. Program posebnih namjena, dodaje se novi redni broj “10. Boćarskom savezu BiH za finansiranje organiziranja Svjetskog prvenstva u boćanju u iznosu od 180.000,00 KM.”

Redni brojevi 10. i 11. postaju 11. i 12.

Istovremeno u članu 3., u tabeli Rezerviranja, pod rednim brojem 1. Tekuća rezerva, umanjuju se sredstva za navedeni iznos od 180.000,00 KM, tako da umjesto 5.000.000,00 KM treba da stoji 4.820.000,00 KM.”

Amandmane od 1. do 4., kao i amandman 6. Kluba poslanika SDS-a, Miloš Jovanović je povukao.

Amandman 5. Kluba poslanika SDS-a, o kojem se posebno glasalo i za koji nije bilo saglasnosti VM, odbijen je sa dva glasa za, pet glasova protiv i jednim suzdržanim glasom.

Amandman 1. Zlatka Lagumdžije, koji je formuliran i dostavljen na sjednici Komisije i s kojim nisu bili saglasni predstavnici VM, usvojen je sa pet glasova za, dva glasa protiv i jednim suzdržanim glasom, u sljedećem tekstu:

U članu 3., u tabeli broj 37. Agencija za statistiku BiH, pod III. Program posebnih namjena, dodaje se nova stavka “Izrada projektnog zadatka za metodologiju i otpočinjanje aktivnosti na popisu stanovništva u iznosu od 100.000,00 KM”.

U članu 3., u tabeli Rezerviranja, pod rednim brojem 1. Tekuća rezerva, umanjuju se sredstva za navedeni iznos od 100.000,00 KM.

Amandman 1. Mirsada Ćemana, za koji nije bilo saglasnosti VM, odbijen je sa tri glasa za i četiri suzdržana glasa.

Amandman 1. Hazima Felića, koji je formuliran i dostavljen na sjednici Komisije, te uz saglasnost predstavnika VM, usvojen je sa šest glasova za i dva glasa protiv, i glasi:

U članu 3., u tabeli broj 29. Ministarstvo civilnih poslova, pod III. Program posebnih namjena, dodaje se novi redni broj "13. Podrška tehničkoj kulturi i inovatorstvu u BiH u iznosu od 200.000,00 KM."

Amandmani od 2. do 4. Mirsada Ćemana, za koje nije bilo saglasnosti VM, odbijeni su sa dva glasa za, dva glasa protiv i 4 suzdržana glasa.

U članu 3., u tabeli Rezerviranja, pod rednim brojem 1. Tekuća rezerva, umanjuju se sredstva za navedeni iznos od 200.000,00 KM.

Amandmani od 1. do 10. Zlatka Lagumdžije, za koje nije bilo saglasnosti VM, odbijeni su sa dva glasa za i šest glasova protiv.

Amandman 11. Zlatka Lagumdžije, za koji nije bilo saglasnosti VM, odbijen je sa tri glasa za, tri glasa protiv i dva suzdržana glasa.

Amandman 12. Zlatka Lagumdžije, za koji nije bilo saglasnosti VM, usvojen je sa pet glasova za i jednim glasom protiv, a glasi:

Iza člana 3. dodaje se novi član 3b) koji glasi:

"Član 3b)

Finansiranje povećanja broja zaposlenih i izdataka za plaće u institucijama BiH mora pratiti smanjivanje finansiranja adekvatnog broja zaposlenih i izdataka za plaće na nižim nivoima."

Amandman 1. Tihomira Gligorića, za koji nije bilo saglasnosti VM, odbijen je sa dva glasa za i pet glasova protiv.

Amandman 1. Joze Križanovića, za koji nije bilo saglasnosti VM, usvojen je sa šest glasova za i jednim suzdržanim glasom, a glasi:

U članu 3., u tabeli broj 24. Komisija za imovinske zahtjeve, pod I. Tekući izdaci, 11. Ugovorene i druge obaveze, umanjuje se planirani iznos za sredstva u visini od 150.000,00 KM.

Istovremeno, u članu 3., u tabeli broj 29. Ministarstvo civilnih poslova BiH, pod III. Program posebnih namjena, 9. Finansiranje institucija od značaja za BiH, dodaju se sredstva u visini od 150.000,00 KM.

Amandman 2. Joze Križanovića, za koji nije bilo saglasnosti VM, odbijen je sa četiri glasa protiv i tri suzdržana glasa.

Amandman 1. Kluba poslanika SNSD-a, za koji nije bilo saglasnosti VM, odbijen je sa dva glasa za i pet glasova protiv.

### **III. Izjašnjavanje o Prijedlogu budžeta u cjelini**

Komisija se, nakon rasprave o amandmanima, izjasnila o Prijedlogu budžeta s usvojenim amandmanima u cjelini. Komisija je, sa pet glasova za i dva glasa protiv, prihvatila tekst Prijedloga budžeta institucija BiH i međunarodnih obaveza BiH za 2006. godinu sa usvojenim amandmanima, uz konstatiranje neophodnosti njegovog donošenja, te predložila Domu njegovo usvajanje.

Kako se usvojenim amandmanima mijenjaju i odgovarajuće zbirne tabele i strukture rashoda, to je Komisija obavezala Ministarstvo finansija i trezora BiH da usvojene amandmane ugradi u tekst Prijedloga budžeta i dostavi poslanicima do održavanja sjednice Doma.

### **Ad.3. Razmatranje Prijedloga zakona o izvršenju Budžeta institucija BiH i međunarodnih obaveza za 2006. godinu, u skladu s članom 95.3. Poslovnika (predlađač: Predsjedništvo BiH)**

**Ljiljana Milićević** ukratko je informirala o dosadašnjem procesu razmatranja Prijedloga zakona o izvršenju Budžeta institucija BiH i međunarodnih obaveza BiH za 2006. Napomenula je ponovo zaključak 72. sjednice Predstavničkog doma kojim je Komisiji naloženo sačinjavanje novog izvještaja o predloženom zakonu. Potom je otvorila raspravu o principima.

#### **I. Rasprava o principima**

Nakon kraće rasprave, članovi Komisije usvojili su principe Prijedloga zakona sa pet glasova za i jednim suzdržanim glasom.

#### **II. Rasprava o amandmanima**

**Ljiljana Milićević** konstatirala je da su na Prijedlog zakona amandmane dostavili: Dušanka Majkić, Vinko Zorić i Ruža Sopta zajedno, kao i Ruža Sopta pojedinačno pred održavanje sjednice, te Mirsad Ćeman, Muhamed Moranjkić i Beriz Belkić.

Potom je otvorena rasprava o amandmanima, o kojim su se članovi Komisije izjasnili na sljedeći način:

Amandman 1. Dušanke Majkić, koji je dostavljen na prethodnoj sjednici Komisije, usvojen je jednoglasno, sa šest glasova za, a koji glasi:

U članu 1. Prijedloga zakona na kraju teksta umjesto tačke stavlja se zarez i dodaju riječi: “u skladu sa Zakonom o finansiranju institucija BiH (“Sl. glasnik BiH”, br. 61/04).”

Amandman 1. Dušanke Majkić, za koji nije bilo saglasnosti predstavnika VM, odbijen je sa četiri glasa protiv i jednim suzdržanim glasom.

Amandman 2. Dušanke Majkić, uz saglasnost predstavnika VM, usvojen je jednoglasno, sa šest glasova za, u sljedećem tekstu:

Mijenja se stav (1) člana 17., i glasi:

“Vijeće ministara BiH odlučuje o upotrebi rezerve Budžeta po prijedlogu nadležnog budžetskog korisnika i uz prethodno mišljenje Ministarstva finansija i trezora BiH, a u skladu s članom 17. Zakona o finansiranju institucija BiH (“Sl.glasnik BiH”, br. 61/04).”

Amandman 1. Ruža Sopta je povukla.

Amandman 3. Dušanke Majkić, odbijen je sa četiri glasa protiv i jednim suzdržanim glasom.

Amandman 1. Muhameda Moranjkića, za koji nije bilo saglasnosti predstavnika VM, odbijen je sa tri glasa protiv i četiri suzdržana glasa.

Amandman 1. Vinka Zorića i Ruže Sopte, za koji nije bilo saglasnosti predstavnika VM, odbijen je sa tri glasa za i četiri glasa protiv.

Amandman 1. Mirsada Ćemana, za koji nije bilo saglasnosti predstavnika VM, odbijen je sa sedam glasova protiv.

Amandman 2. Ruže Sopte, koji je dijelom modificiran, usvojen je jednoglasno, sa sedam glasova za, i glasi:

U članu 17. stav (2) mijenja se i glasi:

“(2) Vijeće ministara BiH može iz sredstava rezervi odobriti transfere neprofitnim organizacijama ili pojedincima najviše do 20% od ukupnog iznosa sredstava rezerve.“

Amandman 1. Beriz Belkić je povukao.

Amandman 4. Dušanke Majkić, za koji nije bilo saglasnosti predstavnika VM, odbijen je sa dva glasa za, tri glasa protiv i dva suzdržana glasa.

Amandman 2. Muhameda Moranjkića, za koji nije bilo saglasnosti predstavnika VM, odbijen je sa četiri glasa protiv i četiri suzdržana glasa.

Amandman 5. Dušanke Majkić, u koji je na prethodnoj sjednici inkorporiran i amandman 6., za koji nije bilo saglasnosti predstavnika VM, odbijen je sa tri glasa za, tri glasa protiv i dva suzdržana glasa.

Amandman 3. Ruže Sopte, koji je dijelom modificiran, usvojen je jednoglasno, sa četiri glasa za i tri suzdržana glasa, u sljedećem tekstu:

Iza člana 19. dodaje se novi član 19a), koji glasi:

„Član 19a)

Sredstva raspoređena Budžetom ne mogu se preraspodjeljivati između budžetskih korisnika, osim u izuzetnim slučajevima kada se vrši prijenos nadležnosti ili dijela nadležnosti s jednog na drugog budžetskog korisnika.

Preraspodjelu sredstava u smislu stava (1) ovog člana odobrava Vijeće ministara BiH, uz pribavljeno mišljenje Ministarstva finansija i trezora BiH.“

Amandman 7. Dušanke Majkić, za koji nije bilo saglasnosti predstavnika VM, odbijen je sa sedam glasova protiv i jednim suzdržanim glasom.

Od amandmana 4. Ruža Sopta je odustala.

Amandman 8. Dušanke Majkić, za koji nije bilo saglasnosti predstavnika VM, odbijen je sa četiri glasa protiv i dva suzdržana glasa.

Od amandmana 2. Vinko Zorić i Ruža Sopta su odustali.

Amandman 2. Mirsada Ćemana odbijen je jednoglasno, sa sedam glasova protiv.

Amandman 5. Ruže Sopte, za koji nije bilo saglasnosti predstavnika VM, odbijen je sa tri glasa za i četiri glasa protiv.

### **III. Izjašnjavanje o Prijedlogu zakona o Izvršenju Budžeta u cjelini**

Komisija se, nakon rasprave o amandmanima, izjasnila o Prijedlogu zakona o izvršenju Budžeta s usvojenim amandmanima u cjelini. Komisija je, sa pet glasova za i dva glasa protiv, prihvatila tekst Prijedloga zakona o izvršenju Budžeta institucija Bosne i Hercegovine i međunarodnih obaveza Bosne i Hercegovine za 2006. s usvojenim amandmanima, uz konstatiranje neophodnosti njegovog donošenja, te predložila Domu njegovo usvajanje.

### **Ad .4. Razmatranje Prijedloga zakona o dopunama Zakona o javnim nabavkama, u skladu s članom 95.3. Poslovnika (predlagač: poslanik Muhamed Moranjkić)**

**Ljiljana Milićević** kratko je informirala o dosadašnjem procesu razmatranja Prijedloga zakona o dopunama Zakona o javnim nabavkama BiH. Napomenula je ponovo zaključak 70. sjednice Predstavničkog doma kojim je Komisiji naloženo sačinjavanje novog izvještaja o predloženom zakonu. Potom je otvorila raspravu o principima.

**Muhamed Moranjkić** kratko je obrazložio Prijedlog zakona.

Predstavnici Vijeća ministara BiH ostali su pri ranije dostavljenom mišljenju da ovaj zakon ne treba prihvatiti.

#### **I. Rasprava o principima**

Nakon kraće rasprave, članovi Komisije usvojili su principe Prijedloga zakona jednoglasno, sa pet glasova za.

Konstatirano je da nije bilo dostavljenih amandmana na Prijedlog zakona te se pristupilo izjašnjavanju o Prijedlogu zakona u cjelini.

## **II. Izjašnjavanje o Prijedlogu zakona u cjelini**

Članovi Komisije usvojili su Prijedlog zakona u cjelini jednoglasno, sa 5 glasova „za“ i uputili ga u dalju parlamentarnu proceduru.

### **Ad.5. Razmatranje Prijedloga zakona o izmjenama i dopunama Zakona o porezu na dodatu vrijednost ( predlagač: poslanik Zlatko Lagumdžija)**

Ljiljana Milićević kratko je informirala o postupku razmatranja Prijedloga zakona o dopunama Zakona o izmjenama i dopunama Zakona o porezu na dodatu vrijednost, predlagača poslanika Zlatka Lagumdžije. Istaknula je da ovaj prijedlog zakona, kao i nekoliko drugih zakona dostavljenih u parlamentarnu proceduru u decembru prošle godine, nije podržao Upravni odbor UIO, te je u tom smislu predsjedavajući Joly Dickson dostavio i dopis 20.12.2005. S ovim dopisom saglasni su bili i predstavnici Vijeća ministara BiH. Potom je otvorila raspravu o principima.

#### **I. Rasprava o principima**

Nakon kraće rasprave, članovi Komisije usvojili su principe Prijedloga zakona jednoglasno, sa sedam glasova za.

Konstatirano je da nije bilo dostavljenih amandmana na Prijedlog zakona te se pristupilo izjašnjavanju o Prijedlogu zakona u cjelini.

## **II. Izjašnjavanje o Prijedlogu zakona u cjelini**

Članovi Komisije odbili su Prijedlog zakona u cjelini sa dva glasa za, tri glasa protiv i dva suzdržana glasa, uz obrazloženje navedeno u mišljenju UOUIO i Vijeća ministara BiH i uputili ga u daljnju parlamentarnu proceduru.

### **Ad.6. Razmatranje Prijedloga zakona o izmjenama i dopunama Zakona o porezu na dodatu vrijednost ( predlagač: poslanik Jozo Križanović)**

Ljiljana Milićević dala je uvodne napomene vezane za razmatranje Prijedloga zakona o izmjenama i dopunama Zakona o porezu na dodatu vrijednost, predlagača poslanika Joze Križanovića, uz identično obrazloženje kao i kod prethodno razmatranog prijedloga zakona.

#### **I. Rasprava o principima**

Nakon kraće rasprave, članovi Komisije usvojili su principe Prijedloga zakona jednoglasno, sa sedam glasova za.

Konstatirano je da nije bilo dostavljenih amandmana na Prijedlog zakona te se pristupilo izjašnjavanju o Prijedlogu zakona u cjelini.

## **II. Izjašnjavanje o Prijedlogu zakona u cjelini**

Članovi Komisije odbili su Prijedlog zakona u cjelini sa dva glasa za, tri glasa protiv i dva suzdržana glasa, uz obrazloženje navedeno u mišljenju UOUIO i Vijeća ministara BiH i uputili ga u daljnju parlamentarnu proceduru.

**Ad.7. Tekuća pitanja:****a) Izvještaj o posjeti sjedištu UIO u Banjoj Luci**

Članovi Komisije jednoglasno su usvojili Izvještaj o posjeti sjedištu Uprave za indirektno oporezivanje u Banjoj Luci, kao i graničnom prijelazu Gradiška, 22.12.2005., u kojoj su učestvovali: Ljiljana Milićević, Hazim Felić, Dušanka Majkić i Dragica Hinić.

Zapisnik sačinila

**Dragica Hinić**

Predsjedavajući Komisije

**Ljiljana Milićević**



